

萃嚴疏鈔

往

C40
4514
240

C40-454/

丁翁上座請大嚴及百
家書置之於州紫雲山
我微笑語院瓦窟中未
為學者不敢許出院內
當山三世鐵手機謹誌

大方廣佛華嚴經疏鈔卷十三之一

于闐國三藏沙門寶又難陀

清涼山大華嚴寺沙門澄觀撰述

光明覺品第九

疏解此一品畧以五門初來意中自有其十一為

荅前所依果問故然古德對前二品已荅二問此

品正荅三問謂長行放光荅佛威德見成正覺荅

成菩提文殊說偈正荅佛法性問今更一解謂長

行但現相荅已如前說偈中具荅三問謂初五荅

菩提次一荅威德後四荅法性二為廣名號品總

標多端故。正廣種種觀察。是意業故。三者卽說十信之體性故。如下三會。將說正位。皆有偈讚。此其類也。四顯實徧故。但所說有二。一佛。二法。佛有二身。二名。法亦有二。一權。二實。前但佛各徧。此顯身徧。四諦卽實之權徧。此品顯卽權之實徧故。五現驗故。上二云徧。衆未目覩。今光示徧相故。六顯總徧故。前但各諦別徧。今此一會。卽徧法界。一皆悉同時同處同衆同說同徧故。七顯圓徧故。謂前顯差別一切。方能徧一切。今顯無差別一切。卽圓融徧一切故。八與下經爲其則故。謂下經結通

云徧一切者。皆如此辨。以如來一乘圓教於須彌山等一類世界。施化分齊。皆若此故。九示前神通相故。上云現通。如何現耶。一會不動。徧法界故。十爲顯理事俱無障礙。令捨執從法故。此意雖通。在文徧顯。有上諸義。故此品來也。鈔前但各諦別徧等者。如名號品。如來於此名悉達等。在密訓等名則不同。十方例然。諦名亦爾。此是一重別徧。二者名徧。而非是諦徧。諦徧而不是名徧。故云名諦別徧。今此一會卽徧法界者。經云如於此處見佛。世尊坐蓮華藏師子之座。彼盡虛空徧法界一切

世界闡浮提中亦如是坐。此是總徧相也。對上一別。亦有二總。一總徧諸處。二主伴時處等皆徧也。言同時者。無前後也。言同處者。此有二處。一者約王。同在普光明殿。二者約伴。同居金色世界等。言同衆者。亦有二衆。一約主佛。十刹塵數菩薩圍繞。二約伴衆。謂文殊等諸來菩薩。亦各領十佛刹塵。故言同說者。一切處文殊同時發聲而說頌。故法界皆同說。十信故。言同徧者。結上諸同。謂王伴時處皆悉徧也。七顯圓徧者。問此與第六有何異耶。第六亦名諦別徧。今亦云差別方能徧。第六云一

會卽徧。今此亦云無差別一切徧。二相難分。荅。細尋方別。前是總別對。此是圓別對。二處別則大同。而圓總則異。前言總別者。別則此界他界各各不同。總則處處皆同此。今圓別者。別則要有差別方能徧。故若不差別不能徧也。圓則不要差別而能周徧。周徧之法。一一圓融。故云無差別一切。卽圓融徧一切。上一切字。是主伴處衆。是能徧之一切。下一切字。但是所徧一切處耳。而言圓融者。一會卽是彼一切會。亦非此會處處到也。卽此卽彼。卽一卽多。故云圓融。又第六約所徧處。以論總別。

東名非西名所徧別也。此會卽彼會。所徧處總也。七約能徧以論圓別。要將差別之法。方能普徧。是身名別也。今是圓融無差別之法。卽能徧故。名爲圓也。前別如列宿徧九天。此別如一月落百川。故前云別則二處大同。大同者有小異故。前總如一雲之滿宇宙。此圓如和香之徧一室。故云總圓。誠有異也。

疏第二釋名者。一開二合。初開者。光明體也。覺者用也。此二各二。謂光有身智。二光覺有覺知覺悟。又光有能照所照。覺有能覺所覺。鈔初開者

下。文亦有二。初正有三重。義含四對。一。二光。二。二覺。三。能所。能所中義分之爲二。一。上。二光能所。二。下。二覺能所。

疏如來放身光照事法界。令菩薩覺知。見事無碍。文殊演智光雙照事理。令衆覺悟法之性相。鈔如來放身光下。二別示上來四對之相。謂分二光各屬文殊及佛。二覺別配身智。二光。而二光中各有兩重能所。謂如來放身光。身能照也。照事法界所照也。令菩薩覺知。卽能覺也。見事無碍。是所覺也。所覺卽照所成益。上卽長行中事。二文殊以智

撰述
華嚴疏鈔卷一
四
光卽能照也。雙照事理卽所照也。令衆覺悟卽能覺也。法之性相卽所覺也。所覺亦照所成益卽偈頌中意。

疏二合者良以事理俱融。唯一無礙境。故得一事卽徧無邊而不壞本相。鈔二合者下合上四對義有五重。文有六節。一合二境卽前所照若事理不融。餘皆不合。故先明之。言故得一事下卽前所覺。見事無礙。

疏身智無二。唯一無礙光。故涅槃經琉璃光菩薩處云。光明者名爲智慧。鈔身智無二者。二合一

光引涅槃證者。琉璃光菩薩放身光明。文殊乃云。光明者名爲智慧。則知二光不別。卽第二十一經疏。知悟不殊。唯一平等覺。悟心之知。無事非理。故鈔知悟不殊下。三合二覺。謂前身光照。文殊等覺。知如來光照。我刹。然文殊等知。是無知之知。故名悟心之知。知事卽理。二覺合也。不同凡小。取事理相。

疏又此二光不異覺境。鈔又此二光下。四合能所。二種能所。一時雙合。則能照所照。能覺所覺。皆性融。故舉一全收。

疏此三圓融。唯無礙之法界。鈔此三圓融者。五
總融上三。上雖四對。體唯有三。謂能覺之光。所照
之境。所成之覺。三對六法。舉一全收。爲一法界。此
上五重合竟。

疏雖平等絕相。不壞光明之覺。品中辨此。故以爲
名。鈔雖平等下。結成品名。上開多約相。合多約
性。卽開卽合。不壞性相。故云光明覺也。

疏若從開釋。光明之覺。光明有覺之用。通依主有
財。若從合說。光明卽覺。可持業也。

疏第二宗趣者。以身智二光。無礙覺悟爲宗。令物
生信爲趣。又釋名並是品宗。來意盡爲意趣。鈔

又釋名並是者。立名從所宗故。來意辨意趣故。故
賢首以此釋名。爲其品宗。以此來意。爲其意趣。

疏第四解疑妨。問此足輪光。何時放耶。若說名諦
竟。如何佛刹菩薩衆數。並同名號。如先已放。前何
不說。答是前名號品放。但前二品明文殊。此會說
法。不俟光照。今辨百億刹中。乃至徧法界說。故須
光以顯示。其所來菩薩。卽前菩薩。故並全同。鈔
四解疑妨。文有三重。初一具疑難。光何時放。滯二
途故。若說名下。躡跡申難。答中初指前說。決其所

撰述
華嚴疏鈔卷一
疑二爲其解釋謂前二品未要放光故前不明此
中始要故此方說此中菩薩卽是牒前故前十方
一一別說此則併牒

疏次有妨云光照百億百億何不照此釋云此爲
主故若彼爲主則說彼照又疑云下光旣窮法界
金色更在何許當利當刹有本會處皆去十刹王
伴徧故鈔下光旣窮法界下三唯疑不難但疑
金色等何所在故是不決耳疑意云此界放光而
金色等去於此界各十佛刹今若主佛至東十佛
刹處放光則是文殊所從之刹若更至東十刹金

色乃在放光之西九方例然故云金色更在何所
舉初爲例九色例然後當刹下答答意云王刹向
東放光餘之十刹一時向東王刹如車轂十方金
色等則如輻輳車轂若移輻輳皆移故下經云盡
法界虛空界一切世界皆有百億閻浮提一切如
來亦如是坐悉以佛神力故十方各有一大菩薩
所從來刹謂金色世界等如向東旣爾徧餘九方
亦然故主與伴一時俱徧旣徧法界總是娑婆亦
徧法界皆是金色徧法界皆是妙色十色皆徧且
依此會餘會徧等已如玄中

爾時世尊從兩足輪下放百億光明。

疏第五釋文大分爲二。初如來放光。二照此下。光至分齊。今初足下放者。表信四義。一自下而上。信最初故。二最早微故。三爲行本故。智論第九云。足下放光者。身得住處。皆由於足。四顯信該果海。已滿足故。輪義亦然。圓無缺故。言百億光者。以徧法界。所照之利。皆百億故。鈔智度論下。卽第九論釋經從足下千輻輪相中。放六百萬億光明。表說六度故。義有兩意。此是初意。第二意云。復次一身中。雖頭貴而足賤。佛不自貴光。不爲利養。是故於

賤處放光。彼約教相。故作是釋。今文約表。故不用。卽是第二最早微故。攝之。

照此三千大千世界。

疏第二光至分齊者。此中光照大數。約其現文。且有二十六節。前九別明。後十七同辨。卽爲十段。若據實義。應有等法界無盡之節。節節有偈。中上本經必應廣說。然非多度放光。亦非一度放光。次第照於多節。唯一放光。同時頓照。盡空世界。但爲言不並彰。說有前後。隨機心現。節節各見。則如來光明節節而照。金色文殊。節節而至。乃至法界。各見

亦爾在佛文殊節節皆徧如月普徧百川各見若法界機頓見前來諸類所見信會既爾住行等會同徧亦然鈔隨機心現下次通難難云既一時頓照何以有二十六節等耶釋云隨機見故在佛文殊下三棟濫云何濫耶上釋妨中文有三節一機節節見二光節節照三文殊節節至如第一百億內機則非百世界中機百世界中機則非千世界中機則應第一節中文殊如來非第二節中文殊如來故今釋云唯第一機節節互非下二節節皆徧如第一三千佛光卽是第二乃至徧法界光

文殊亦爾正徧第一節文殊卽徧法界而節節見者但由機感故云百川各見機復有差若未入法界節節不同已入法界皆如文殊諸節頓見

疏十段之中文各有二皆長行佛以身光照現事境令衆目覩偈頌文殊智光讚述事理令衆悟入十段依答文三初五答菩提卽分爲五初一總顯菩提超情二通顯菩提因果三顯八相菩提四顯菩提體性五顯菩提之因今初長行中二先照本界染淨二如此處下現自法會普徧之相前中三初總標分齊二百億閻浮下別顯所照三其中下

類結明顯。今初言三千大千者。俱舍云。四大洲日月。蘇迷盧欲天。梵世各一千。各一小千界。此小千千倍說。各一中千。此千倍大千。皆同一成壞。梵世謂卽初禪。故云同一成壞。以三度積。故曰三千。畧去小中。舉其末後。故云大千。鈔俱舍論者。此文易了。總以喻顯。一小千界。如一千錢。一中千界。如千貫錢。大千世界。如千箇千貫。而但取於初禪爲數。已上不說。若舉二禪已上。則不同一成壞。火災所壞。唯初禪故。故正理三十一云。少光等天。非小千攝。積小千爲中千。積中千爲大千。亦不攝彼。

疏長阿含十八雜阿含十六。正理三十一。及瑜伽智論雜集。顯揚亦不殊此。有云。然顯揚第一。明三千世界。三災所壞。故知初禪小千。二禪中千。三禪大千。若金光明。直至非想。皆云百億。意在徧諸天。故此經文中。但至色頂。約無色無處。故今依二經。鈔長阿含下。二例同餘文。下引三經四論。並同俱舍。俱舍是十一。瑜伽第二。智論第十一。雜集第六。顯揚第一。有云。顯揚者。卽刊定記意。上卽論文。故彼論釋三千意云。如是三千三災所壞。謂火水風。故知初禪已下。卽刊定取意解釋。謂火災壞初。

撰述 華嚴疏鈔卷 十
禪。水灾壞二禪。風灾壞三禪。明知說小千。但數初禪。若數中千。卽數二禪。以二禪量等中千故。若數大千。卽數三禪。三禪量等大千故。是知有百億初禪。有百萬二禪。一千三禪。唯一四禪。然若語量。卽如向說。所引文證。義則不成。以言三千皆許三灾壞故。若中千數於二禪。二禪卽火災不壞等。思之正義。如前引俱舍正理已釋。若金光明者。經云。是諸人王。手擎香爐。供養經時。其香徧布。於一念頃。徧至三千大千世界。百億日月。乃至百億非非想天。今依二經者。卽金光明。及此經文。約有所處。但

至色頂約該地法。徧於四空。四空無處。隨處得果。如在欲界得無色定。卽於欲界而受果報。故無別處。攝在二界。然皆通於二十八天。若爾。與諸經論云。何會釋。意云。且如二禪。直語其量。等千初禪。以小千初禪。向上取之。則有千二禪。如是百億初禪。向上取之。則有百億四禪。譬如夏雲。普覆九州。若以州取。則有九雲。若以郡取。則四百餘雲。若以縣取。千數未多。或言一雲。普覆萬國。或言萬國各有夏雲。思之可見。

百億閻浮提。百億弗婆提。百億瞿耶尼。百億鬱單越。

百億大海百億輪圍山。

疏二別顯所照中。初現人中。二現八相。三現諸天。初中閻浮提者。新云瞻部。俱舍云。阿耨達池岸有樹名瞻部。因以名洲。提者此云洲也。東弗婆提者。此云勝身。身勝餘洲故。西瞿耶尼。此云牛貨。以牛貨易故。北鬱單越。此云勝生。以定壽千歲衣食自然故。大海者。卽外鹹海也。鈔俱舍云者。卽第十論釋無熱池竟。云於此池側有瞻部林。其形高大。其果甘美。依此林故名瞻部洲。或依此果。以立洲號。論更不釋。有云。以此洲南狹北濶。樹葉頭大

後小。似此洲故。未見有譯。若立世阿毘曇云。樹在此洲之南。西瞿耶尼。亦云瞿陀尼。瞿卽牛也。陀尼貨也。北洲新云俱盧餘文可知。

疏百億輪圍者。一四天下。一小鐵圍故。中者有千大者唯一。皆云百億者。此方黃帝算法。數有三等。謂上中下。下等數法。十十變之。中等百百變之。上等倍倍變之。今此三千。若以小數計。有萬億。今約中數。從千已上。百百變之。則有百億。鈔若以小數者。小數卽下等。十十變也。謂十小千爲萬。百小千爲億。千小千爲中千。已有十億。更千中千爲一

撰述
華嚴疏鈔卷一
十一
大千。一千中千。卽爲千箇十億。故爲萬億。今約中數者。謂從千已上。方百百變之。謂百小千方爲一萬。千箇小千爲中千。方是十萬。十箇中千。始爲百萬。方是一億。旣十中千爲一億。今有千箇中千。故有百億。

疏故唐三藏譯爲百億俱胝。測公深密記第六云。俱胝。相傳釋有三種。一者十萬。二者百萬。三者千萬。由此三千。以俱胝數。或至百數。或至千數。或至百千。唐三藏譯。是千萬也。故至百數。鈔故唐三藏下。二引證。旣譯百億爲百俱胝。俱胝存其梵言。

億。是此語故。二義同也。次引測公三種俱胝證。百億爲百俱胝。或至百數者。卽三千有百億。是也以千萬爲俱胝。故或至千數者。以百萬爲俱胝。謂小數數之中千。有百萬箇小千。方是一億。今大千有千中千。故爲千億。或至百千者。卽以十萬爲一俱胝。故中千已有百俱胝。千箇中千。方爲大千。大千則有百千俱胝也。故疏云。唐三藏譯。是千萬爲俱胝。故三千有百俱胝。俱胝卽億。

疏又依俱舍譯。洛又爲億。此譯俱胝爲億。故下光照一億十億等。梵本皆云俱胝。總由俱胝之數不

同故也。鈔又依俱舍下三會釋俱胝不同言俱舍譯洛又爲億者亦是十一論釋水輪云次上水輪深十一億二萬下八洛又水餘疑結成金初以唐言十一億二萬由旬下句梵語云下八洛又水則八億由旬爲水三億二萬由旬爲金故知洛又爲億也阿僧祇品云一百洛又爲一俱胝則俱胝義當於兆良以俱胝有三等故則俱舍洛又云億當十萬之億下云一百洛又爲一俱胝則當千萬之億也

百億菩薩受生百億菩薩出家百億如來成正覺百億如來轉法輪百億如來入涅槃

疏二現八相中文有五相受生含三佛成道後始放光明却現初生及後涅槃者約微細門融三世故亦非能照是報所照是化以放光身在摩竭故此經報化融故大菩薩等化處見報下位之機報處見化二不並故能照所照唯是一佛顯佛自在超思議故鈔約微細門者一中頓具一切諸法炳然齊現各微細門故說一相之中具餘七相如在母胎卽具餘七今在成正覺相中具餘七也言融三世亦卽十世隔法異成門受生是過去涅槃

撰述
華嚴疏鈔卷一
是未來故亦非能照者揀濫釋也。二不並者報處見化見化不見報非謂報化並現故也。

百億須彌山王百億四天王衆天百億三十三天百億夜摩天百億兜率天百億化樂天百億他化自在天百億梵衆天百億光音天百億徧淨天百億廣果天百億色究竟天其中所有悉皆明現。

疏三。百億須彌下現諸天中舉須彌者二天所依故。

如此處見佛世尊坐蓮華藏師子之座十佛刹微塵數菩薩所共圍繞其百億閻浮提中百億如來亦如

是坐。

疏二。現自法會中二。先現本會此是一會徧一切處非是多處各別有會乃至法界亦如是徧此圓融法非思之境。鈔非是多處者亦是揀濫恐人誤解若多處有會似如十人爲會十會在一室中一燈照了令人頓見十會百人今不爾也。二會徧一切處者如於一室懸百面鏡中有十人共爲一會則百鏡中有百會也。

悉以佛神力故十方各有一大菩薩一一各與十佛刹微塵數諸菩薩俱來詣佛所其名曰文殊師利菩

撰述

華嚴疏鈔卷一

三

薩覺首菩薩。財首菩薩。寶首菩薩。功德首菩薩。日首菩薩。精進首菩薩。法首菩薩。智首菩薩。賢首菩薩。是諸菩薩所從來國。所謂金色世界。妙色世界。蓮華色世界。薈華色世界。優鉢羅華色世界。金色世界。寶色世界。金剛色世界。玻瓈色世界。平等色世界。此諸菩薩。各於佛所淨修梵行。所謂不動智佛。無礙智佛。解脫智佛。威儀智佛。明相智佛。究竟智佛。最勝智佛。自在智佛。梵智佛。觀察智佛。

疏二。悉以佛神力下。現新集衆。言佛神力者。亦卽是前各隨其類現神通也。文有四段。謂總顯。列名。

刹號佛名。皆同名號品中。但增百億爲異耳。

爾時一切處文殊師利菩薩。各於佛所同時發聲。說此頌言。

疏偈文分二。先彰說人。後顯偈辭。今初言一切處文殊者。畧申三義。一約當節。如初節中百億佛前有百億文殊。爲一切也。各各皆說當節之偈。故文皆云。各於佛所。鈔一切處文殊畧申三義者。第一義約文。卽是以應就機。令百川中一時見月。各各皆說當節之偈者。如百億內同說。若有見正覺偈。第二節內同說。衆生無智慧偈。然有四句。一。

支那

華嚴疏鈔卷十三之

七

撰述
華嚴疏鈔卷一
一切處文殊。同說一偈。是一切卽一。二但一文殊。十節說偈。是一卽一切。三各於佛所。卽一唯是一。四諸處文殊各偈不同。卽是一切中一切。
疏二。一文殊從一處東來。卽從一切處東來。至一法會。卽至一切法會。故雖東來而卽一切處。以是法界卽體之用身故。鈔二。一文殊下。第二約義復語其實德。如前溪之月。卽是後溪。及千江百川之月。全入前溪。所以爾者。一切處月。不離本月。故本月落溪。則千處俱落。
疏三。約表法。文殊乃是不動智之妙用。觸境斯了。

六根三業。盡是文殊。實相體周。萬象森羅。無非般若。何有一處非文殊哉。下九節中。皆有二段。做此可知。鈔三。約表者。文殊主般若。若門。若約觀照般若。智了萬境。無非般若。若白日麗天。無物不照。若實相般若。無法非實相故。無非般若。猶水徧波。無波非水。大般若云。般若波羅蜜多。清淨故。色清淨。色清淨故。一切智智清淨。何以故。若般若波羅蜜多。清淨。若色清淨。若一切智智清淨。無二無二分。無別無斷故。通於觀照。及實相也。

若有見正覺。解脫離諸漏。不著一切世。彼非正道眼。

疏二。正顯偈辭。然釋此偈。有通有別。通者此明菩提超情。別謂顯前光中所見之事。於中又二。一約境。謂融前所照。顯理法故。二約觀。謂令大衆泯絕。諸見於所照事。不生執取。然觀資理成。理由觀顯。故通而釋之。卽明菩提超情。大分爲二。初一反顯。餘九順釋。今初反顯。違理之失。謂菩提體德超絕。一切佛地論明。佛非漏非無漏。亦應於世非著非無著。今乃見佛內離諸漏。外不著世。則有漏可離。有世不著。取捨未亡。此見違理。故非道眼證道眼者。無分別故。鈔然觀資理成者。以賢首有上二

意。各別科文。初約境顯理中。十偈爲三。初一法超情表。次八會事歸理。後一事如理融成。前一會卽一切會等事。無障礙也。二約心。令泯絕諸見。依此釋經十偈爲六。初之二頌。頌於放光。佛令離見。次一頌。會前光所照處。以明離見。三有三頌。會前所現本法會等。以明離見。四有二頌。別會諸菩薩大衆。以明離見。五有一頌。會前所照衆生。六末後一頌。明前法會周徧所由。今疏意。明不爲兩般。合成一釋。顯理離見。二義相成。故總出。所以云。觀資理成。若不見理。不成觀照。理由觀顯者。不得觀照。安

能會理。理無廢興。弘之由人。故觀成契理。諸見自亡。故合爲一釋。皆帶顯理破見之義。一具於通別二意。故初一反顯。明違理起見。爲過失生。後九順明會理。則理顯而見息也。

若有知如來體相無所有。修習得明了。此人疾作佛。疏餘偈。順顯見理之益。皆上三句觀相。下句觀益。於中九偈。各是一義。且分爲四。初六觀佛。次一趣求。次一觀生。後一了法。初中初偈。正顯佛菩提性。本來自空。稱此而知。則無上失。體謂真性。相謂德相。並性無所有。竟何所離。本無有著。誰爲無著。

如是知者。名爲正解。修習明了。斯爲正行。下句觀益。言疾作佛者。約文殊門。情盡理現。卽名作佛。約普賢門。信終圓收。約行布說。則不見此理。成佛未期。他皆倣此。鈔本無有著者。如癘膠黏人。則有不著之者。虛空不黏。誰爲不著。空中膠者。情盡理現者。此順禪宗。卽事理無礙門也。約普賢門。正是華嚴。卽事事無礙門也。約行布說。此爲千里之初步也。

能見此世界。其心不搖動。於佛身亦然。當成勝智者。疏次一偈。依正等觀。佛菩提性。依正無二。故亦顯

光所照處以明離見謂上半於前所見世界令離妄動。知真法界不應動故。次句例前八相佛身亦同平等不動而了。故成勝智。鈔亦顯光明等者。上約通明。今約別說。令離妄動。卽是破見。知真法界不應動故。卽是顯理。此句全是大般若曼殊室利分經云。若菩薩不動法界。知真法界不應動。不可思議。不可戲論。如是能入一切相也不動而了。故成勝智者。此句觀益諸偈雖同。皆是佛果差別之德。而皆與觀相相順。故躡不動而知。以釋當成勝智。

若於佛及法其心了平等。二念不現前當踐難思位。疏次偈佛法等觀。了同體故。二念豈生。一亦不存。得難思果。

若見佛及身平等而安住。無住無所入當成難遇者。疏次偈生佛等觀。言身卽衆生。以梵本中云。佛及我故。我卽行人之身。稱理普周。云平等住。平等則無能所。故曰無住。我卽法性。更不證入。法性無性。復何所入。如是知者。曠世難逢。鈔我卽法性。下釋上平等卽無能所。故曰無住。然有二意。一上二句。明一性不分。故無能所。猶如一指。不能自觸。二

法性無性下。明性空故。無能所入。亦如虛空。不住虛空。此亦大般若曼殊室利分意。彼經云。佛告文殊。汝於佛法。豈不趣求。文殊言。世尊。我今不見有法。非佛法者。何以趣求。釋曰。此卽一性意也。次佛問云。汝於佛法。已成就耶。文殊荅言。我都不見法。可名佛法。何所成就。釋曰。卽性空意也。次佛又言。汝豈不得無著性耶。文殊荅云。我卽無著。豈無著性。復得無著。釋曰。卽今疏云。我卽法性。更不證入故。

疏般若文殊分云。若知我性。卽知無法。若知無法。卽無境界。若無境界。卽無所依。若無所依。卽無所住也。又本會卽住無所住。新集則入無所入。鈔般若下。引證前卽闡用二意。今卽顯證無住。是彼次後經文。

疏問若皆平等。云何分別有三寶耶。智論荅云。平等卽是三寶。謂平等卽法寶。法寶卽是佛。以未得法。不名佛故。得平等法。分別有須菩提等。鈔智論荅云者。卽八十五論。亦是經文。須菩提問佛。若無差別。云何有三寶。佛荅卽今疏文。

色受無有數。想行識亦然。若能如是知。當作大牟尼。

撰述
華嚴疏鈔卷一
五
疏次偈會通平等謂上來主伴依正不離五蘊五蘊性空卽是平等有相差別總名爲數卽同無爲故非數法離數超世成寂靜果。

世及出世間一切皆超越而能善知法當成大光耀疏次偈拂上出世謂眞出世者超越入出不礙照知故成光耀又上第三偈佛卽是法第四偈法卽是衆第五偈是三寶皆無爲相此偈與虛空等鈔又上第三偈下收上四偈成一不二法門卽淨名經寂根菩薩曰佛法衆爲二佛卽是法法卽是衆是三寶皆無爲相與虛空等一切法亦爾能隨

此行者是爲入不二法門。

若於一切智發生迴向心見心無所生當獲大名稱疏二有一偈趣求者以上雖離見而知猶恐滯寂故上半勸求次句又觀性離謂了迴向心本自不生是離相迴向也離相求佛得名稱果。

衆生無有生亦復無有壞若得如是智當成無上道疏三次一偈所見衆生亦皆稱眞故無生壞知無衆生是無上道故下經云無上摩訶薩遠離衆生想鈔故下經云無上摩訶薩遠離衆生想者卽十六經無上慧菩薩偈下半云無有能過者故號

爲無上。今無生可壞。卽離衆生想。

一中解無量。無量中解一。了彼互生起。當成無所畏。疏末後一偈知法。卽成前法會周徧所由。上半標門。卽十玄門。中一多相容不同門也。次一句釋所由。卽十種所由中。緣起相由門也。並如義分齊中。謂一與多。互相生起。且一依多起。則一是所起。而無力也。多是能起。故有力也。以多有力能攝一。以一無力入於多。是故此一恒在多中。多依一起。準上知之。是則此多恒在一中也。以俱有力及俱無力。各不並故。無彼不相在也。以一有力一無力不

相違故。有此恒相在也。緣起法界。理數常爾。稱斯而見。何所畏哉。由此緣起。成前平等。由前平等。成此緣起。文理昭然。不許事事無礙。恐未著深思。鈔謂一與多下。上標舉二門。今正將緣起相由所以釋。一多相容之門。此中大意。凡所知所起。卽無有力。若能知能起。卽是有力。廣如玄文。由此緣起下。結破靜法。彼云。此偈了一多平等。謂解多由一起。解一由多生。無一不成多。無多亦無一。了彼一多相由生起。一多之念息。一多相平等。此會差別歸平等性。理事無礙。非事事無礙。應審思其文。勿

撰述
羣論錄
三
謬解也釋曰。今疏卽賢首意。此公破師。言是謬解。故今結示。卽符昔大義中之一也。此公意云。是理事無碍者。以例前諸偈。多約會事歸理。一切平等。拂諸見故。不合是事事無碍故。今先出此偈本意。言由此緣起。成前平等者。上文本會則任無所任。新集則入無所入等。何以得此皆平等耶。特由緣起。互相由故。且如本會與彼十方新集之會。共成緣起。由因本會有十方故。十是所起。所起無體。卽是本會。由因十方。說本會故。本是所起。所起無力。故入十方。故由緣起。成前一切皆悉平等。言由前

平等。成此緣起者。謂一有定性。不由於多。多有定性。不由於一。今由一無定性。假多而起。多無定性。由一而生。故由無性平等之義。方成緣起。若有一可一。此是自性一。若有多可多。此是定性多。多若是定性多。多不因於一。一若是定性一。一不因於多。今由多故一。此一不自一。今由一故多。此多不自多。多不自多。此多則無力。此一不自一。此一則無力。無力隨有力。一多互相收。故隨一佛會。卽一切佛會。法界一切會。卽是一法會故。此一法會。不動而常徧。不分而常多。前後互相成。如何不信。故

撰述
華嚴疏鈔卷一
賢首云緣起法界。理數常爾。應細深思。自當見耳。
觀此疏文。似此弟子。當聽之時。早已不受。特令深
思。故疏結云。不信事事無礙。恐未著深思也。

爾時光明過此世界。徧照東方十佛國土。南西北方
四維上下亦復如是。彼一一世界中。皆有百億閻浮
提。乃至百億色究竟天。其中所有悉皆明現。如此處
見佛世尊坐蓮華藏師子之座。十佛刹微塵數菩薩
所共圍繞。彼一一世界中。各有百億閻浮提。百億如
來亦如是坐。悉以佛神力故。十方各有一大菩薩。一
一各與十佛刹微塵數諸菩薩俱來詣佛所。其大菩
薩。謂文殊師利等。所從來國。謂金色世界等。本所事
佛。謂不動智如來等。

疏第二重光照十方。各十佛土者是娑婆隣次之
十刹也。

爾時一切處文殊師利菩薩。各於佛所。同時發聲。說
此頌言。

衆生無智慧。愛刺所傷毒。爲彼求菩提。諸佛法如是。
疏十偈。通顯菩提因果。分三。初偈菩提之因。次五
菩提果用。後四令物思齊。今初上半所爲。謂無明
造業。愛能潤業。故生死無窮。如泥中刺。不覺其傷。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏鈔卷一

七

如瘡中刺爲其所毒。下半能爲。卽從癡有夢。菩薩悲生。非大菩提。莫之能拔。無此悲智。非佛法故。鈔如泥中者。夢欲所覆。猶如溺泥。不知其傷。言如瘡中刺者。卽是肉刺。故涅槃中。名爲息肉。彼十三經云。深觀此夢。凡有九種。一。如債有餘。二。如羅刹婦女。三。如妙蓮華莖。下有毒蛇。四。如惡食。性所不便。而強食之。五。如媼女。六。如摩樓迦子。七。如瘡中息肉。八。如暴風。九。如彗星。初一。卽聲聞緣覺餘習。二。生子便食。後食其夫。夢食善子。後食衆生。令人三惡道。三。五欲華下。有夢毒蛇。令其命終。四。強食

患下。墮三惡道。五。與夢交通。奪其善法。故被驅逐。墮三惡道。六。纏繞凡夫。善法令死。七。如人久患瘡。中生息肉。其人要當勤心療治。莫生捨心。若生捨心。息肉增長。蟲疽復生。以是因緣。卽便命終。凡夫愚人。五陰瘡痍。亦復如是。夢於其中。而爲息肉。應當勤心。治夢息肉。若不治者。命終卽墮三惡道中。唯除菩薩。是名瘡中息肉。八。暴風。能偃山移岳。拔樹深根。夢於父母所。而生惡心。拔菩提根。九。夢之彗星。能斷一切善根。令凡夫人。孤窮饑饉。今正用瘡中息肉一義耳。

支那

華嚴疏鈔卷十三之

七

七

撰述
垂肩疏鈔卷一
普見於諸法。二邊皆捨離。道成永不退。轉此無等輪。
疏次五菩提果用中。初偈悲智雙滿。智見諸法。悲
以轉授。普見通於性相。故離二邊。謂真故無有。俗
故無無。真故無有。則雖無而有。俗故無無。則雖有
而無。雖有而無。則不累於有。雖無而有。則不滯於
無。不滯於無。則斷滅見息。不存於有。則常著氷消。
俱不俱等。何由而有。諸邊都寂。故云皆離。鈔普
見通於性相者。此上總釋一偈。此下別解上半。上
半云。普見於諸法。二邊皆捨離。今應問云。普見諸
法。如何卽能離得二邊。故今答云。通性相故。唯見

相者。卽是有邊。唯見性者。卽墮無邊。性相無礙。故
離二邊。中論云。雖空而不斷。雖有而不常。卽由空
有相卽。離二邊也。謂真故下。引影公中論序以釋
之。真卽是性。俗卽是相。依二諦融。故離二邊。然二
諦之義。玄中已明。欲釋此疏。畧申一義。謂或說妄
空真有。如涅槃云。空者所謂生死。不空者所謂大
般涅槃。二者妄有真空。卽是今文。三俱空相待無
性故。四俱有。性相不壞。故於諦常自二故。今此正
當第二。俗有真空義。而有四對。初對定有無。所在
我約真諦上說空。是無性空。不同無物空也。我就

俗諦明有。此是緣有。非定性之有也。二真故無有。則雖無而有。下一對。彰有無體相。是不壞有之無。不礙無之有。故成中道。三雖有而無。則不累於有。下。彰有無之德。若是定性之有。此有則唯是有。不得卽無。若是定性之無。此無則唯是無。不得卽有。今二互相卽。故不偏滯。四不滯於無。下一對。彰有無離過。滯空則斷。累有則常。既不滯不累。故無斷常。又釋初對。雙離有無。故云無有無無。此成空觀。第二對。不壞有無。故云雖有而無。雖無而有。此成假觀。第三對。明二諦相卽。故不偏滯有無。故不爲

有邊所動。無邊所寂。成中道觀。肇公亦云。涉有未始迷虛。故常處有而不染。此不累有也。不厭有而觀空。故觀空而不證。此不滯於無也。第四離過。準前。又釋初對。中初句云。真故無有。無彼定性之有。是真空義。下句俗故無無。無彼斷滅之無。故是妙有義。第二對。亦有亦無義。第三對。非有非無義。第四對。離過。則成具德四句也。又初對。雙離二過。一離有。二離無。第二對。離非有非無。第三對。離亦有亦無。第四對。總明離過。故起信云。真如非有相。非無相。非非有相。非非無相。非有無俱相。卽斯義也。

是以結云俱不俱等何由而有謂第四對正離斷常第三對不偏滯故離於俱句第二對不壞二故離於雙非故俱寂也又若有二可得名俱今有卽無故則有外無無可與有俱今無卽有故則無外無有可與無俱故亦有亦無相違不立言不俱不立者若定有有無遮彼有無有俱非句今有卽無何有非無今無卽有何有非有故雙非亦寂既無有無亦無一異斷常來去靡不皆如故云都寂是以經言二邊皆捨離皆捨離者一切二邊非句有無又言離者性自離故不取著故了真性故非有

諸邊可捨離也。

不可思議劫精進修諸行爲度諸衆生此是大仙力。

疏次一美往因行。

導師降衆魔勇健無能勝光中演妙義慈悲故如是疏次一慈力降魔。鈔次一慈力者大乘方便經說波旬兵衆滿三十六由旬圍菩提樹欲作留難菩薩住慈悲智慧以手指地八萬四千八部大衆皆發大菩提心故云慈力降魔經云導師降衆魔慈悲故如是觀佛三昧海經第二說觀白毫功德中說慈悲降魔今取意引波旬召諸八部及曠野

鬼十八地獄閻羅王神。其阿鼻等諸大地獄。全至佛所。及有無邊諸怖畏事。一時逼迫菩薩。菩薩爾時徐舉右臂。伸眉間毫。下向用擬阿鼻地獄。令諸罪人。見白毫中。流出衆水。注如車軸。火滅。苦息。心得清涼。獄卒見鐵叉頭。如白銀山。龕室千萬。有白師子蟠身爲座。於其上生白蓮華。有妙菩薩。入勝意慈心三昧。獄王發心。衆多罪人。諸苦休息。稱南無佛。皆得解脫。無邊惡事。無由近佛。魔王憔悴。懊惱。却卧牀上。有三魔女。又懷惑亂。菩薩亦以白毫擬之。諸女皆見三十六物。九孔不淨。背負老母。

抱死小兒。皆九孔流溢。匍匐而去。魔王奮劍向前。世尊又以白毫擬之。令魔眷屬。身心安樂。如得三禪。餓鬼見白毫端。皆有百千萬億諸大菩薩。入勝意慈心三昧。皆是慈力降魔。經云。光中演妙義者。卽眉間光。謂時魔波旬。旣不能壞佛。忽然還宮。白毫隨從。直至六天。於其中間。無數天子天女。見白毫孔。通中皆空。團圓可愛。如梵王幢。於其空間。有百千萬恒河沙微塵諸寶蓮華。一一蓮華。無量無邊。諸妙白毫。以爲其臺。臺上有化佛菩薩。放於白毫大人相光。亦復如是。諸菩薩頂。有妙蓮華。其華

撰述
華嚴疏鈔卷一
三
金色過去七佛。在於華上。是諸化佛。自說名字。與修多羅等無差別。卽光中演妙義也。然是慈心三昧之力。是故總云。慈力降魔。

以彼智慧心。破諸煩惱障。一念見一切。此是佛神力。疏次一智斷致用。鈔次一智斷者。初句智。次句斷。此卽精義入神。故能一念頓見一切。是致用也。易繫辭云。尺蠖之屈。以求信也。龍蛇之蟄。以存身也。精義入神。以致用也。注云。精義物理之微者也。神寂然不動。感而遂通者也。故能乘天下之微。會通其用也。今借此言。以智斷冥契。爲精義入神耳。

擊于正法鼓。覺悟十方利。咸令向菩提。自在力能爾。疏後一法鼓警機。文相並顯。

不壞無邊境。而遊諸億刹。於有無所著。彼自在如佛。疏後四令物思齊者。斯卽佛因能如是行。得諸佛道。四偈顯四種行。一遊刹無著。謂不壞其相。故能普游。了刹性空。故於有無著。

諸佛如虛空。究竟常清淨。憶念生歡喜。彼諸願具足。疏二念佛生喜。上半所念。法身顯故。如空永常。解脫累亡。如空清淨。下半能念。憶持明記。故喜生願足。

一一地獄中。經於無量劫。爲度衆生故。而能忍是苦。
疏三。亡苦濟物。

不惜於身命。常護諸佛法。無我心調柔。能得如來道。
疏四。護法輕身。文並可知。

仁和信士沈洪瑞。自捨弁領袖五兩三錢八。
分刻此一卷。伏願

先考沈之立。先妣張氏。安盡還源。智身隨受生。
而增長。染融純淨。性理合法界。而俱圓。凡諸
同助。獲福無邊。

大方廣佛華嚴經疏鈔卷十三之一 終

大方廣佛華嚴經疏鈔卷十三之二

于闐國三藏沙門實叉難陀 譯
清涼山大華嚴寺沙門澄觀撰述

光明覺品第九之二

爾時光明過十世界。徧照東方百世界。南西北方。四
維上下。亦復如是。彼諸世界中。皆有百億閻浮提。乃
至百億色究竟天。其中所有。悉皆明現。彼一一閻浮
提中。悉見如來坐蓮華藏師子之座。十佛刹微塵數
菩薩所共圍繞。悉以佛神力故。十方各有一大菩薩。
一一各與十佛刹微塵數諸菩薩俱。來詣佛所。其大

撰述
菩薩謂文殊師利等所從來國謂金色世界等。本所
事佛謂不動智如來等。

疏第三重光照百界。

爾時一切處文殊師利菩薩各於佛所同時發聲說
此頌言。

佛了法如幻。通達無障礙。心淨離衆著。調伏諸羣生。
疏偈中顯佛八相菩提十偈分二。初偈標德充滿。
後九別廣調生。今初謂了俗卽真故如幻。本虛
真不礙俗故達諸法相。性相無礙是真通達。無二
礙著則轉依心淨。大悲同體故調伏衆生。則三德

備矣。故能攝化。鈔性相無礙者。疏釋通達無礙。

有其二義。一所達之法。性相無礙。二能了之智。無
有二礙。二礙卽二障。了相故無智障。了性故無惑
障。故次句云無二礙著則轉依心淨者。謂轉無常
雜染之依。唯以功德依常法身。故云心淨。通達是
智無礙。是斷調生是恩。云三德備。

或有見初生妙色如金山。任是最後身。永作人中月。
疏後九中。卽悲願自在。調伏普周。雖數越塵沙。畧
論其九。皆言或見者。然有多義。一或多機。異處各
感見。二或同處各見。三或異時別見。四或同時異

見五或同時異處見六或同處異時見七或異時
異處見八或同時同處見九或一人於同異交互
時處見多人所見十或一人同異俱時處見一切
人所見以是普眼機故然佛不分身無思普現也
鈔皆言或見者此九別中有九或見在義易了
而人尚迷今寄清涼五臺求見文殊以况法界見
佛差別總有十義一或多機異處各感見者如有
五人各爲多機各在一臺名爲異處二人南臺見
菩薩一人西臺見師子一人中臺見萬聖一人東
臺見化佛一人北臺見聖僧是各感見也二或同

處各見者五人同在中臺故云同處一見菩薩一
見師子等故云各見三或異時別見者一人朝見
菩薩暮見化佛等四或同時異見者上異時別見
不局一人多人今此要是多人謂二人同於晨朝
一見化佛一見菩薩五或同時異處見者亦約多
人同於晨旦一於東臺見一於北臺見所見之境
或同或異或見菩薩亦是同時異處見或則一見
菩薩一見化佛亦同時異處六或同處異時見同
於中臺朝見暮亦見而能見亦通一人多人所見
亦通一境異境但取處同時異耳七或異時異處

撰述
聖嚴疏鈔卷二
見時則朝暮不同。處則東西臺別。而能見亦通。一人多人。謂或一人朝於中臺見菩薩。暮於北臺見菩薩。異人可知。然多約一人。其所見境亦通。同異。同見菩薩。如上已明。或一人朝於中臺見菩薩。暮於北臺見師子。然多分且約一境。八或同時同處見。亦約多人。同在中臺。同於中時見菩薩。所見亦通。同異。且約同說。九或一人於同異交互時處見多人所見者。言同異交互時處者。謂同時異處。異時同處。名交互時處。然同時異處。卽是第五。而要

人頓見前多人所見。此機亦是不思議人。能於同時異處見。故謂有一人於晨朝時。在於中臺見中臺多人所見。亦在西臺見多人所見。又於中臺。於朝於暮。皆見多人所見也。十或一人於同異俱時處。見一切人所見者。謂同時同處。異時異處。名同異俱時處。既是一人。時該多時。處徧諸處。見通諸境。故是普眼機也。然佛不分身下。不分而徧。無思普現。頓應前十也。
疏一初生時。身如夜月。瞰鏡可觀。智猶滿月。清涼照物。故云永作。

或見經行時。具無量功德。念慧皆善巧。丈夫師子步。
疏二。行七步時。顯其具德。

或見紺青目。觀察於十方。有時現戲笑。爲順衆生欲。
疏三。顧盼時。觀方現笑。

或見師子吼。殊勝無比身。示現最後生。所說無非實。
疏四。師子吼時。說我獨尊。

或有見出家。解脫一切縛。修治諸佛行。常樂觀寂滅。
疏五。出家時。解縛修寂。

或見坐道場。覺知一切法。到功德彼岸。癡暗煩惱盡。
疏六。坐道場時。障盡德圓。

或見勝丈夫。具足大悲心。轉於妙法輪。度無量衆生。
疏七。轉法輪時。因悲度物。

或見師子吼。威光最殊特。超一切世間。神通力無等。
疏八。現神通時。調彼難調。

或見心寂靜。如世燈永滅。種種現神通。十力能如是。
疏九。示入涅槃。不妨神用。又下二句。亦總結前九。
皆是神通。並有深意。如第八會。鈔如第八會者。
卽五十九經。各有十意。說者應引。

爾時光明過百世界。徧照東方千世界。南西北方。四
維上下。亦復如是。彼一一世界中。皆有百億闍浮提。

攝述
五藏正金卷一
五
乃至百億色究竟天。其中所有悉皆明現。彼一一閻
浮提中。悉見如來坐蓮華藏師子之座。十佛刹微塵
數菩薩所共圍繞。悉以佛神力故。十方各有一大菩
薩。一一各與十佛刹微塵數諸菩薩俱來詣佛所。其
大菩薩謂文殊師利等。所從來國謂金色世界等。本
所事佛謂不動智如來等。

疏第四重。光照千界。

爾時一切處文殊師利菩薩。各於佛所。同時發聲。說
此頌言。

佛於甚深法。通達無與等。衆生不能了。次第爲開示。

疏頌中。顯菩提體性。十頌分三。初偈雙具悲智。爲
菩提體。次四三德內圓。後五卽體悲用。今初上
半智深。下半悲濟。

我性未曾有。我所亦空寂。云何諸如來。而得有其身。
疏次四偈中。一歎菩提永絕。二我德。謂二我之見。
必因於身。今觀我身。若我卽陰。我卽生滅。若我異
陰。以何相知。故但妄情。曾未整有。旣無有我。誰是
我所。我我所空。身從何有。無身之身。顯法身德。
鈔今觀於身者。卽中論法品中意。論云。若我卽五
陰。我卽爲生滅。若我異五陰。則非五陰相。若無有

我者何得有我所。內外我我所。盡滅無有故。諸受
卽爲滅。受滅則身滅。業煩惱滅故。各之爲解脫。業
煩惱非實。入空戲論滅。釋曰。上中論意。正觀於身
五陰之法。而如來品。五蘊上求如來。亦就於我及
我所說。則如自觀身實相。觀佛亦然。若了二我本
自空寂。則見法身湛然常住。疏中初二句。卽論初
兩句。明卽陰無我。陰是有爲生滅之法。我卽是陰
故。同生滅。次兩句。是論第二兩句。異陰無我。而論
主但云。則非五陰相。今云。以何相知者。是長行釋
語。謂凡一切法。皆以相知有。離陰有我。則不以五

陰爲相。爲用何相知有我耶。故但妄情。結成論意。
妄情計有。我性實無。故云。我性未曾有。旣無有我
下。以我破所。釋經我所亦空寂。卽論云。若無有我
者。何得有我所。我我所空下。無我遣身。釋經下半
云。何諸如來。而得有其身。卽論內外我我所下一
偈。半文無身之身下。結歸疏意。三德內圓。法身爲
一耳。故經云。佛以法爲身。清淨如虛空。

解脫明行者。無數無等倫。世間諸因量。求過不可得。
疏二顯解脫般若德。涅槃二十五云。貪瞋癡心。永
斷滅。故心善解脫。於一切法。知無障碍。故慧善解

撰述
聖嚴疏鈔卷二
七
脫。涅槃畧有一百八句。以顯深廣。鈔二顯解脫
般若者。卽三德之二也。先釋解脫德。引於涅槃畧
有二種。卽二十五經。高貴德王菩薩品。第八功德
中一義。經云。云何菩薩心善解脫。貪瞋癡心永斷
滅故。是名菩薩心善解脫。若瑜伽八十五云。由三
種相。當知心善解脫。一於諸行徧了知故。二於彼
相應煩惱斷得作證故。三煩惱斷已。於一切處。離
愛住故。經云。云何菩薩慧善解脫。菩薩摩訶薩。於
一切法。知無障礙。是名菩薩慧善解脫。因慧解脫
昔所不聞。而今得聞。昔所不見。而今得見。昔所不

至。而今得至。釋曰。心善解脫。卽滅定障。慧善解脫。
卽脫智障。二障旣除。脩然無繫。故名解脫。涅槃下
經重復問起。以顯前義。謂心定有貪等。則不可脫。
定無貪等。卽不須脫。欲明相有性無。此二無礙。方
名解脫。涅槃畧有一百八句者。卽第五經廣釋二
德。解脫之德。迦葉問言。世尊。何等名爲涅槃。善男
子。夫涅槃者。名爲解脫。先示其體。亦色非色。下迦
葉重請。明解脫相。爾時迦葉菩薩。復曰。佛言。世尊。
唯願哀愍。重垂廣說。大般涅槃解脫之義。佛讚迦
葉。善哉善哉。善男子。眞解脫者。名曰遠離一切繫

縛若真解脫離諸繫縛則無有生亦無和合譬如
父母和合生子真解脫者則不如是是故解脫名
曰不生迦葉譬如醍醐其性清淨如來亦爾非因
父母和合而生其性清淨所以示現有父母者爲
欲化度諸衆生故真解脫者卽是如來如來解脫
無二無別譬如春月下諸種子得暖潤氣尋便出
生真解脫者卽不如是此是一句餘如彼經然依
遠公云以義相從有九十四句隨別細分有一百
九句第二十二無逼切中別有七句第二十二無
動義中有四句第二十四希有義中有其二句第

二十五虛寂義中亦有兩句第四十甚深義中有
其二句第五十一平等義中亦有兩句第六十七
無窄狹中有其三句餘各有一是故分爲一百九
句今言一百八者卽於二十二無逼切中但有六
句以遠公見七喻故分爲七而第三句云云何逼
切不逼切耶譬如凡夫我慢自高而捉蛇虎毒蟲
是名逼切不逼切者如轉輪王所有神珠能伏毒
蟲名不逼切六句皆是無逼切義唯此一句兼明
逼切以顯無逼者似兩句實是一句表除百八煩
惱亦同楞伽百八句問

疏言明行者卽般若德若作明行足釋卽禪慧德。瑜伽三十八云。明謂三明。行謂止觀二品。涅槃十六又云。明者三明。一菩薩明。二佛明。三無明明。菩薩明者卽是般若波羅密。佛明者卽是佛眼。無明明者卽畢竟空。然皆般若因果。理智異耳。足有二義。一脚足義約因。二圓足義約果。此文畧無。鈔言明行者卽般若德。朗照萬法故。稱明行者卽如來具三德人。若作明行足釋者。重釋明行二字。卽十號之一。先引瑜伽。由有止觀云。禪慧德。彼後更有釋極善圓滿以釋足義。得滿足義。無脚足義。故

疏不引。涅槃十六下。北經十八。先釋明。後釋行。前中先引經。彼有四釋。今當第四。就行修證入釋。明卽證入之體。後然皆下。是疏釋經菩薩明者。因中證智。佛明者。果中證智。上二皆智。無明明者。是所證理。智卽觀照。理卽實相。智度論云。說智及智處。俱名爲般若。卽斯義也。足有二義者。卽釋行字。此中畧無足字。行字所攝。然經四釋。不出二義。第一釋云。明者。名得無量善果。行名脚足。善果者。名無上菩提。脚足者。名爲戒慧。乘戒慧足。得大菩提。名明行足。釋曰。此則據果尋因釋。以明爲果。以行爲

足行卽足。脚足義也。行足不分。是今經意。二者經云。又復明者。名咒行者。名吉足者。名果善男子。是名世間義。咒者。名爲解脫吉者。名無上菩提。果者。名大涅槃。釋曰。此偏就果德釋。然以世間。況於出世。此以涅槃爲足。是滿足義。亦智斷總別耳。三者經云。又復明者。名光行者。名業足者。名果善男子。是名世間義。光者。名不放逸業者。名六波羅蜜。果者。名無上菩提。釋曰。此卽從因起果釋。謂明行皆因。以足爲果。前釋三皆是果。此獨菩提是果。今疏所引卽當第四。但引釋明。彼釋行足云。行者。於無

量劫爲衆生故。修諸善業。足者。明見佛性。釋曰。此亦滿足釋。足以足爲果。以行爲因。行足義開。今經無足。故取初釋。行足合義。不引此文。

疏無數下。顯其離過。非有爲故。無數。超下位故。無等。豈是因明。能求其過。因明立量。依世俗分別。定有定無。故曰世間。今體絕有無。故彼莫能過也。如說佛聲。非定有故。不同外道立常。從法性生。離造作故。不同菩薩所立無常。三科皆爾。豈將佛德。判屬無常。諸因量者。謂諸因諸量。及自他共等。三種比量。比量雖有三支五分。因是量主。故曰因量。

異述
華嚴疏鈔卷二
十一
鈔無數下。顯其離過。卽下三句。於中有四。一。總明。二。因明。立量下。釋世間義。三。如說佛聲下。指事以明。求過不得。定有則常。今非定有。不同外常。因緣造作。卽是無常。今從法性。故離造作。不同無常。何可求過。四。諸因量下。隨難牒釋。言諸因者。謂生因。了因。言諸量者。謂現量。比量。及聖言量。所言因者。所由所以。順益待藉之義相也。爲由有此所由。所以順益待藉。宗果方明。故說此等名爲因也。此卽要是宗之所由。亦是宗之所以等。由此卽顯與所立宗。一向一味。能建立宗。故名因也。又因有三相。

一。徧是宗法性。二。同品定有性。三。異品徧無性。如立聲是無常。鉞等爲同品。虛空等爲異品。於同品定有。異品徧無。是無常等因。同喻異喻。皆名喻也。及自他共下。因明第二疏中廣說。今畧示之。如薩婆多立無表色。自立量云。我無表色。定是實色。許色性故。如許色聲等。此卽自比量。謂自立義。令他解了。二。他比量者。於他立中。出宗因過。如大乘破薩婆多云。汝無表色。非定實色。許無對故。如心心所。三。共比量者。於他立中。出比量過。因爲量王者。此卽彼中三支。有闕妨問。夫論立量。三支圓滿。果

明不舉。獨唱因明。荅有二解。一云對敵申量。卽能立三支具足。敵者起智所由。並得稱因。所生敵智。卽號爲明。理智合舉。故說因明。二云就比量中。有許未許。爲成未許。必有能成。卽能成。是因。所成是果。宗由因顯。義得分明。此卽因果雙彰。理無違妨。上之二義。正以後義因爲量主。又經中云。世間諸因量者。亦可世間相違。求過不得也。

佛非世間蘊界。處生死法。數法不能成。故號人師子。疏三一偈。歎佛超絕。三科德。蘊者聚義。謂是有爲生死果相。界者種族義。謂是愛著生死因相。處者

生門義。謂諸識內外緣相。然不離色心。俱舍云。愚根樂三。故說蘊處界三。蘊等有二。一者有漏。是世數法。佛非此成。二是無漏。則佛非無因。滅無常色等。獲常色等。故如來妙色。常安隱故。鈔蘊者聚義等者。俱舍界品云。彼論問云。蘊處界等。別義云。何頌曰。聚生門種族。是蘊處界義。釋曰。初句釋義。次句結成。聚謂積聚。卽是蘊義。諸有於色。若過去。若未來。若現在。若內若外。若麤若細。若劣若勝。若近若遠。如是一切。畧爲一聚。說名色蘊。言麤細者。可見有對爲麤。餘二爲細。又不可見有對。望上爲

細望不可見無對爲籠。二唯是細染汚名劣不染汚名勝。現在明近過未名遠餘蘊例然但籠細一門有異謂意識相應四蘊爲細五識相應四蘊爲籠依五根故或約九地下地爲籠上地爲細言生門者處義謂六根六境是心心所生長門處言種族者界義論有兩釋一族者謂種族也是生本義謂十八界爲同類因各生自類等流果故是法生本二族類義十八種法種類自性各別不同也俱舍論下此之半偈論明教起不同謂愚有二一愚心所爲我一愚色二雙愚心色如次配三言根有

三者謂上根聞畧得悟故說五蘊中根聞中說十二處下根聞廣方了說十八界言樂三者謂樂畧說蘊樂中說處樂廣說界因滅無常色卽涅槃三十八如下當引如來妙色常安隱故但要此句具有一偈云妙色湛然常安隱不爲時節劫數遷大聖曠劫行慈悲獲得金剛不壞體

其性本空寂內外俱解脫離一切妄念無等法如是疏四歎佛超離根境德境智雙寂契彼性空根塵兩忘內外解脫亦常照內外脫於無知空尚不存妄從何起鈔四歎佛者卽是初句其性本空寂

撰述
垂露疏鈔卷一
何法不寂。獨歎如來。故疏蒼云。境智雙寂。契彼性空。故爲佛德。所以無心於物。境則未忘。攝境歸心。心又未寂。今佛寂照。方契性空。此以第二句成上第一句。次言根塵兩忘。內外解脫。卽上句釋下句。由契性空。故忘根塵。心所知法。一切皆空。故忘塵也。能知之心。亦不可得。故忘根也。由內忘故。根不能繫。由外忘故。境豈能牽。真解脫也。斯乃解脫惑障。次云亦常照者。此智障解脫。上寂此照。寂照無二。真佛心也。空尚不存者。舉况釋第三句。空爲所契。尚不當心。妄念空華。豈當佛意。

疏又上四偈。初一法身故常。二無過故樂。三數不能成。故自在稱我。四解脫故淨。

體性常不動。無我無來去。而能悟世間。無邊悉調伏。疏後五卽體悲用中。初偈不動普應德。上半不動。下半普應。二我永亡。稱性不動。智周法界。何有去來。

常樂觀寂滅。一相無有二。其心不增減。現無量神力。疏次偈動寂無二德。三句入寂。一句起用。一相是表。所謂無相無二。是遮體不可分。又無二者。非對有說無也。觀無始終。故心不增減。三輪之化。云無

量力。

不作諸衆生業報因緣行。而能了無礙善逝法如是。疏次偈無染了機。

種種諸衆生。流轉於十方。如來不分別。度脫無邊類。疏次偈度心平等。

諸佛真金色。非有徧諸有。隨衆生心樂。爲說寂滅法。疏後偈無生現生。智契非有。悲心徧生。隨機引之。令歸常寂。

爾時光明過千世界。徧照東方十千世界。南西北方。四維上下亦復如是。彼一一世界中。皆有百億閻浮提。乃至百億色究竟天。其中所有悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩。謂文殊師利等。所從來國。謂金色世界等。本所事佛。謂不動智如來等。

疏第五重照十千界。

爾時一切處。文殊師利菩薩。各於佛所。同時發聲。說此頌言。

發起大悲心。救護諸衆生。永出人天衆。如是業應作。

撰述
聖賢頭銜卷二
疏頌中明等菩提因行。文有十行。皆三句辨相。一
句勸修。雖皆作業。而展轉深細。畧分爲五。初一大
悲下救業。不求自利。云永出人天。

意常信樂佛。其心不退轉。親近諸如來。如是業應作。
疏次四修智上攀業。一信。二樂。三念。四學。又初一
長時修。常信不轉故。鈔次四修智下。疏有二意。
前意各別一行。後意通修諸行。文雖局一。義乃兼
通。如長時修。謂長時信。長時樂。長時念。長時學。下
二亦然。若約所信念等。皆佛功德。

志樂佛功德。其心永不退。任於清涼慧。如是業應作。

疏次一殷重修。志樂不退故。清涼慧者。無惑熱故。
一切威儀中。常念佛功德。晝夜無暫斷。如是業應作。
疏次偈無間修。不暫斷故。

觀無邊三世。學彼佛功德。常無厭倦心。如是業應作。
疏後偈無餘修。常徧學故。

觀身如實相。一切皆寂滅。離我無我著。如是業應作。
疏三有一偈內照業。觀身實相者。如淨名觀佛前
際不來等。又如法華不顛倒等。鈔如淨名者。卽
見阿閼佛品。佛問維摩詰。汝欲見如來。爲以何等
觀如來乎。維摩詰言。如自觀身實相。觀佛亦然。我

撰述
垂鼻面金卷二
觀如來。前際不來。後際不去。今則不住。不觀色。不觀色如。不觀色性。不觀受想行識。不觀受想行識如。不觀受想行識性。非四大起。同於虛空。六入無積眼耳鼻舌身心已過。不在三界。三垢已離。順三脫門。三明與無明等。不一相。不異相。不自相。不他相。非無相。非取相。不此岸。不彼岸。不中流。而化衆生。觀於寂滅。而不永滅等。彼以觀身實相。用觀如來。今但自觀。爲小異耳。眞實觀同。又如法華者。卽安樂行品。第二親近處。經云。文殊師利。又菩薩摩訶薩。觀一切法空。如實相。不顛倒。不動。不退。不轉。

如虛空。無所有性。一切語言道斷。不生。不起。無名。無相。實無所有。無量。無邊。無礙。無障。但以因緣有從顛倒生。故說常樂觀。如是法相。是名菩薩摩訶薩。第二親近處。釋曰。上經皆觀實相。卽理實相也。云皆寂滅。

疏中論法品云。諸法實相者。心行言語斷。無生亦無滅。寂滅如涅槃。卽上半也。又云。諸佛或說我。或說於無我。諸法實相中。無我。無非我。卽下半也。鈔中論法品下。引論全釋一偈。然順今經。引論乃倒。今先具引論文。然後釋義。論云。諸佛或說我。或

說於無我諸法實相中。無我無非我。諸法實相者。心行言語斷。無生亦無滅。寂滅如涅槃。一切實非實。亦實亦非實。非實非非實。是名諸佛法。自知不隨他。寂滅無戲論。無異無分別。是則名實相。若法從緣生。不卽不異因。是故名實相。不斷亦不常。不一亦不異。不常亦不斷。是名諸世尊。教化甘露味。釋曰。此有六偈。大分爲四。初二明實相之體。次一智契實相。三有一偈明實相之由。四有一偈明實相之教。初三中。初一。明實相雙非。次一。明其深寂。後一。語其體圓。又三是橫廣。二是豎深。初一非深。

非廣。又初一對我說實相。二約性顯實相。三該通性相明實相。以實是性。非實是相。故畧知大旨。今之所用。但用二偈。初以豎深釋經上半。以心絕動搖。言亡四句。故云心行言語斷。理圓言偏。理興言絕。故云言語道斷。以欲言其有。無狀無形。欲言其無。聖以之靈。故口欲辯而辭喪。心以取相爲行。實相無相。故絕心。行之處。是則心將緣而慮息。以起心動念。不會理故。故體無生。旣法本不生。今何有滅。無生無滅。卽是寂滅。言如涅槃者。舉喻以顯。然實相之體。卽性淨涅槃。而人知涅槃。寂滅不生。不

知實相寂滅。故以涅槃爲喻。若下實相卽是涅槃。涅槃之相亦叵得也。次以雙非實相釋經下半離我無我著實相無我不可著我亦無無我亦不著無我若著二無我理未免於著。

疏又離我者超凡夫離無我者超二乘故能悲濟。鈔又離我者下上來直就體明。此下對人以顯不著無我則不趣證故能悲濟。

疏然我無我通有四句。一唯有我二唯無我三者雙辯卽生死無我涅槃有我四雙非上二互形奪故。鈔然我無我下復以四句會融釋此四句畧

有三意。一對人以顯成前對人謂唯我卽凡夫無我卽二乘雙辯對小說。大涅槃云無我者所謂生死我者謂大涅槃。二乘之人但見無我不見於我雙非卽泯絕大小二者直就大乘性相說亦有此四。初句唯一真我迥然獨立。次句對病顯實。我法皆空雙辯句。真妄雙觀不壞性相。雙非句。性相融卽。故互奪兩亡。三者但約觀照第一句知衆生妄執有我二稱理而觀離於二我。三亦雙照性相。四卽真妄形奪與第二釋異者。此初句有我。此是妄我。第二初我乃無我法中有真我耳。

撰述
華嚴疏鈔卷二
五
等觀衆生心不起諸分別入於真實境如是業應作
疏四一偈等觀業大悲同體所以等觀見真息妄
不起分別妄盡契如名入真實

悉舉無邊界普飲一切海此神通智力如是業應作
思惟諸國土色與非色相一切悉能知如是業應作
十方國土塵一塵爲一佛悉能知其數如是業應作
疏五後三偈大用業初偈神足通後二法智通於
中初一知土法性土爲非色餘皆爲色此二融卽
皆悉委知後一知佛又十展轉者初悲欲救生當
云何救信樂近佛樂其何法樂佛功德佛以功德

成其身故空樂何益當念念修學他不如自觀
自觀不及物我齊致入真滯寂當起大用用何所
爲當擬窮十方界入諸佛海

爾時光明過十千世界徧照東方百千世界南西北
方四維上下亦復如是彼一一世界中皆有百億閻
浮提乃至百億色究竟天其中所有悉皆明現彼一
一閻浮提中悉見如來坐蓮華藏師子之座十佛刹
微塵數菩薩所共圍繞悉以佛神力故十方各有一
大菩薩一一各與十佛刹微塵數諸菩薩俱來詣佛
所其大菩薩謂文殊師利等所從來國謂金色世界

撰述
等本所事佛。謂不動智如來等。

疏第六重光照百千界。卽第二荅佛威德問。威德約身故。

爾時一切處文殊師利菩薩。各於佛所。同時發聲。說此頌言。

若以威德色種族。而見人中調御師。是爲病眼顛倒見。彼不能知最勝法。

疏前五法身後五智身。前中分二。初一揀迷。謂以威德則自在熾盛。色相則端嚴吉祥。種族則名稱尊貴。雖是薄伽。而見從外來。取相乖於最勝。故爲

倒見。猶眼有病。故見外空華。執內爲外。謂空爲有。

鈔初一揀迷。以初句下五字爲三節攝。佛地論歎佛偈云。自在熾盛與端嚴。名稱吉祥及尊貴。如是六種義差別。應知總名薄伽梵。今文具用。翻此六義。以顯真佛最勝之法。初以自在熾盛二德。釋其威德。論云。自在者。永不繫屬諸煩惱故。熾盛者。猛焰智光所燒鍊故。此內威德。由內具此智斷二德。外攝羣魔。制諸外道。二以端嚴吉祥釋於色字。色卽色相。論云。端嚴者。三十二相所莊嚴故。吉祥者。一切世間親近供養。咸稱歎故。三以名稱尊貴。

釋種族字。論云名稱者。一切殊勝功德圓滿。無不知故。尊貴者。具一切德。常起方便。利益世間。安樂一切。無懈廢故。此上二德。前是功德。後是大悲。悲智功德。爲佛種族。謂佛以功德爲種性。故佛以大悲爲根本故。爲出生故。卽內種族故。能悲現刹帝利種。雖是薄伽下。釋後半。躡上而釋。謂上六義號爲薄伽。依此而取。未免顛倒。見從外來。卽不了唯心。是起信文云。見從外來。取色分齊。取相二字。向上成心外取相。若就當句。設取心佛。亦爲取相。不了真佛無相相故。言顛倒者。顛者頂也。頂合在上。

向下卽倒。如是合無爲有。合內爲外。皆名顛倒。故舉空華。喻通二義。

如來色形諸相等。一切世間莫能測。億那由劫共思量。色相威德轉無邊。

疏後四。示悟顯最勝法。初偈明如來色相無邊。故超情莫測。無邊有二。一深故隨。一一相稱真無邊。二廣故謂具十蓮華藏塵數之相。

如來非以相爲體。但是無相寂滅法。身相威儀悉具足。世間隨樂皆得見。

疏次偈釋上二義。前半釋深。相卽無相故。後半釋

廣無相之相故廣復有二。一無限因成。二應機普現。謂色無定色。若金剛之合朱紫。形無定形。猶光影之任修短。相無定相。似明鏡之對妍媸。故隨樂皆見。鈔一無限因成者。此中無文。含在隨樂見中。上普與雲幢王水神偈云。清淨慈門刹塵數。共生如來一妙相。一一諸相莫不然。是故見者無厭足。此一慈門已無量矣。況於諸門。出現寶光王海神云。不可思議大劫海。供養一切諸如來。普以功德施羣生。是故端嚴最無比。卽施門無量也。普發迅流王河神云。如來往昔爲衆生。修治法海無邊

行。卽無限因也。如是等或一切因共成一相。或一切因成一切相等。故云無限。二應機普現者。下舉三喻。別喻色形諸相三法。

佛法微妙難可量。一切言說莫能及。非是和合非不合。體性寂滅無諸相。

疏三一偈明所證超情以成前義。前半正顯。謂欲言其有。體相寂滅。欲言其無。色相無邊。故止言顯妙。唯智方契。故心慮叵量。理圓言偏。故言說莫及。後半重釋。謂應緣非不合。任體非和合。又緣起修成非不合。契真相盡非和合。又緣卽非緣。故非和

合。非緣卽緣。故非不合。合相離。故無諸相。非合亦離。體寂滅也。鈔後半重釋者。前半云難可量。則心行處滅。言說莫及。則言語道斷。今重釋者。何以寂滅諸相。心言罔及耶。釋意云。寂滅是不和合義。隨樂皆見。是和合義。今亦不可作合與不合而知。而說故重釋之。於中寄二身說。初約法身。任體徧應釋。則前無相寂滅。卽是任體。隨樂皆見。卽是徧應。故今以二義相奪。故非合不合。其任體徧應。猶如虛空。隨其竅隙。方圓大小。又緣起修成下。約報身修成契實說。如鑄金成像。像全同金。亦互奪。叵

說。又緣卽非緣下。約化身應緣說。猶如影像。有而卽虛。亦二相奪。不可得說。已釋上句。從合相離。故下。釋下句。

佛身無生超戲論。非是蘊聚差別法。得自在力決定見。所行無畏離言道。

疏四有一偈。明能證超絕。結歸佛身。上來體性寂滅。遣有身相。具足遣無。非不合遣。俱有無而復。謂佛是非有非無。還成戲論。中論云。戲論。慧眼是皆不見佛。故次遣之。謂妄惑不生。故非蘊聚。起心則生。便成戲論。鈔中論云者。卽如來品。此前

撰述
五藏論鈔卷二
更有一偈云。如是性空中。思惟不可得。如來滅度後。分別於有無。青目釋云。諸法實相性空。故不應於如來滅後。思惟若有若無。若有無俱。如來從本已來畢竟空。何況滅後。釋曰。此偈總遣三句。次偈云。如來過戲論。而人生戲論。戲論破慧眼。是皆不見佛。此偈二意。一者仍前破第三。此破第四。非有非無。戲論謗句。卽今疏文。二者總遣四句。百非。謂起心動念。皆成戲論。非局第四。故次疏云。妄惑不生。故非蘊聚起心。則生。便成戲論。彼青目釋云。戲論名憶念取相。分別此彼。言佛滅不滅等。是人爲

戲論覆慧眼。故不能見如來法身。

疏決定見者。不隨境相。各自在力。有無不能累其神。故無畏也。非言行處。爲絕言道。鈔決定見下。釋下半。謂決定見者。則見法身。如來法身。其相云何。論云。如來所有性。卽是世間性。如來無有性。世間亦無性。眞妄無性。卽佛法身。如是見者。不隨相轉。若隨相轉。卽不自在。不隨相轉。卽決定見。見同無性。能所雙寂。何有有無。能累其神。則不畏有無等也。

身心悉平等。內外皆解脫。永劫住正念。無著無所繫。

疏後五智身中。初知解脫智。謂外身非業繫。內心無取著。爲皆解脫。常契等理。故云正念。又內脫二障。外用無羈。此明自在。鈔初一知解脫智。此偈第四句結歎。疏總不別釋。四句交絡相合而釋。謂初句身字。合次句外字。初句心字。合次句內字。云外身內心。平等二字。是身心理。解脫二字。通上身心內外。而解脫不同。外身脫業繫苦相。卽以解脫上取外身。下取第四句中無所繫字。內心脫執取等相。卽以解脫字上取內心。下取第四句中無著二字。心無取著。卽爲能證。契上平等。名爲正念。是

第三句。四句圓矣。又內脫二障。更爲異解。上解脫字。別配身心。皆離障解脫。今釋內解脫者。離障解脫。外解脫者。作用解脫。如淨名有解脫。名不可思議等。

意淨光明者。所行無染著。智眼靡不周。廣大利衆生。一身爲無量。無量復爲一。了知諸世間。現形徧一切。此身無所從。亦無所積聚。衆生分別故。見佛種種身心。分別世間。是心無所有。如來知此法。如是見佛身。疏下四大用自在。展轉相釋。初一以寂照智利生。意淨。寂也。光明。照也。淨。故無著。明。故智周。故能大。

撰述
華嚴疏鈔卷一
作佛事。次一云何利生。謂變化智自在。上半一多無礙。下半隨器普現。次偈明一多所從。以無生智隨物而感。謂一身多身。但由衆生分別心起。故無積無從。其猶並安千器。數步而千月不同。一道澄江。萬里而一月孤映。情隔則法身成異。心通而玄旨必均。云云自他。於佛何預。後偈復拂前迹。謂卽前分別之器。亦無所有。妄見之身。豈當可得。此法是佛所知。當依此理見佛。此後二句兼通結上。鈔謂卽前等者。上云月之一多。由器有異。佛之一多。由感不同。今云心分別世間。是心無所有。則分別之器亦忘也。其猶夢中見器中之月。豈唯月之不實。實亦器本自無。能現之器既無。所現之月安有約法可思。此法是佛下。釋下半。依此見佛。則如佛見。

爾時光明過百千世界。徧照東方百萬世界。南西北方。四維上下。亦復如是。彼一一世界中。皆有百億閻浮提。乃至百億色究竟天。其中所有。悉皆明現。彼一一閻浮提中。悉見如來坐蓮華藏師子之座。十佛刹微塵數菩薩。所共圍繞。悉以佛神力故。十方各有一大菩薩。一一各與十佛刹微塵數諸菩薩俱。來詣佛

所。其大菩薩。謂文殊師利等。所從來國。謂金色世界等。本所事佛。謂不動智如來等。

疏第七重光照十方百萬世界。此下四段。答法性問。佛以功德爲法性故。卽分爲四。初一總顯內外。包攝德。二方便幹能德。三大悲救攝德。四因果圓徧德。今初段。

爾時一切處。文殊師利菩薩。各於佛所。同時發聲。說此頌言。

如來最自在。超世無所依。具一切功德。度脫於諸有。無染無所著。無想無依止。體性不可量。見者咸稱歎。

光明徧清淨。塵累悉蠲滌。不動離二邊。此是如來智。疏偈中分二。前五歎佛法難思。後五示入方便。今初分三。初三直就佛明。次一對機以辨。後一約法以明。今初。初一句所緣。及一切種智清淨。於所緣所知中。無礙智自在轉故。次句所依清淨煩惱習氣。永無餘故。三一切種心清淨。一切善根皆積集故。四具大悲故。鈔初句所緣者。契經諸論。皆說如來一百四十不共功德。今依瑜伽四十九說。論云。依如來住。及依如來到究竟地。諸佛世尊。有百四十不共佛法。謂諸如來三十二大人相。八十

種隨形好。四一切種清淨。十力。四無所畏。三念住。三不護。大悲。無忘失法。永害習氣。及一切種妙智。今經畧具。初三句中。具四一切種清淨。言四淨者。一一切種所依清淨。謂煩惱麤重。并諸習氣。於自所依無餘永滅故。又於自體。如自所欲取住捨中。自在而轉。二一切種所緣清淨。謂於種種若化若變。若所顯現一切所緣。皆自在轉故。三一切種心清淨。謂如前說。一切心麤重永滅離故。又於心中一切種善根。皆積集故。四一切種智清淨。謂如前所說。一切無明品。麤重永滅離故。又徧一切所知

境中。知無障礙。智自在轉故。上四中除第二。皆有二釋。今疏之中。皆具四淨。而文少畧。取順經耳。初如來最自在。句有二清淨。所緣是第二。一切種智。是第四。於所緣中無碍轉。釋第二所緣清淨。於所知中無碍智自在轉。卽是第四一切智清淨。彼論二釋。今取後釋。此二皆是最自在。義次句所依清淨者。卽經超世無所依。是第一淨。可知。三一切種心清淨者。卽經具一切功德。是第三心清淨。亦二釋中後對論。易知。疏五無憂喜之雜染。安住捨故。故無所著。六惡想

都絕。不依止名聞利養故。七八二句。體雖巨量。具相好故稱歎。鈔五無憂喜者。卽無染無所著。是三念任。謂一者一心聽法不憂。二者一心聽法不喜。二者常任捨心。謂有憂喜卽染。不住捨卽著。今無染無著。故具三念任。六惡想下。卽經無想無依止。是三不護。一惡想都絕。二不依止名聞。三不依止利養。今無想成初一。無依止成後二。

疏九智光徧覺。離倒名淨。身光可知。十永害習氣。故十一任正念。故離邊常明。記故不動。亦是成上智光所觀。故結云佛智。又此一偈。卽四無所畏。光

明卽正覺。清淨卽出苦。滌累漏盡。及與障道無畏。不動卽無畏之義。外難不能傾。故不墮勝負二邊。故是無畏智。鈔九智光徧覺。卽一切種妙智。十可知。十一卽無忘失法。故常明記。又此一偈者。謂光明徧清淨。屬無畏。無畏有四。一一切智無畏。二漏盡無畏。三出障道無畏。四出苦道無畏。至十藏品當釋。唯十力智。在第三約法以顯中。則百四功德具矣。

若有見如來。身心離分別。則於一切法。永出諸疑滯。疏一一偈對機以辯中。身心離分別者。含於二意。

一約佛。以二業隨智慧行等故。二約機。卽知上功德。而能身心無分別者。得無疑益。

一切世間中。處處轉法輪。無性無所轉。導師方便說。疏三有一偈約法以顯。雖法界徧轉。無性寂滅。故無所轉。假以言宣。云方便說其能轉智。卽十力智。於法無疑惑。永絕諸戲論。不生分別心。是念佛菩提。疏後五示入方便者。上來說佛不離功德菩提。上所說法。不離教義。次第令人。初偈令念菩提。初句善決性相。次二句契理絕想。以生分別想。卽戲論故。具斯二義。爲念菩提。故大般若云。覺法自性。

離諸分別。同菩提故。又心絕動搖。言忘戲論。又瑜伽九十五有六種戲論。故名爲諸。鈔故大般若下。卽文殊分中。如前已引。又心絕動搖。亦是此經次後那伽室利分。那伽云龍。卽龍吉祥菩薩。妙吉祥菩薩。欲入城乞食。龍吉祥問云。我欲入城。爲有情故。巡行乞食。妙吉祥云。隨汝意往。然於行時。勿得舉足。勿得下足。勿屈勿伸。勿起於心。勿興戲論。勿生路想。城邑想。大小男女想。所以者何。菩提遠。離諸所有想。無高無下。無卷無舒。心絕動搖。言忘戲論。無有數量。今此唯用後一對耳。又喻伽者。一。

顛倒戲論。二唐捐戲論。三諍競戲論。四於他分別
勝劣戲論。五分別工巧養命戲論。六耽著世間財
食戲論。動搖尚無。斯六豈有。

了知差別法。不著於言說。無有一與多。是名隨佛教。
疏次偈隨教。上二句了法亡言。次句得旨。方名隨
順。

多中無一性。一亦無有多。如是二俱捨。普入佛功德。
疏次偈入佛功德。上二句雙存。一多相別故。次句
雙泯相形奪故。一因於多有。多中應有一。多因於
一。有中應有多。今多中無一。一無從矣。一中無

多。多無從矣。故二俱捨也。而性相融通。入一卽是
入多。名普入也。鈔次偈入佛等者。文有三段。初
畧釋經文。

疏然一多相依。互爲本末。通有四義。一相成義。則
一多俱立。以互相持。有力俱存也。卽初二句。二相
害義。形奪兩亡。以相依故。各無性也。卽二俱捨是。
三互存義。以此持彼。不壞彼而在此。彼持此。亦爾。
故上文云一中解無量等是。四互泯義。以此持彼。
彼相盡而唯此。以彼持此。此相盡而唯彼。故下文
云。知一卽多多卽一。是也。諸文各據一義。故不相

違矣。鈔二然一多下。束成四義。以順經文。

疏復總收之。以爲十義。一孤標獨立。二雙現同時。三兩相俱亡。四自在無礙。五去來不動。六無力相持。七彼此無知。八力用交徹。九自性非有。十究竟離言。鈔三復總收下。融成十門。一孤標獨立者。卽前多中無一性。一亦無有多。二法互無。故得獨立。亦一卽多而唯多。多卽一而唯一。廢已同他。故云獨立。二雙現同時者。卽下經云。知以一故衆。知以衆故一。無一卽無多。無多卽無一。故二雙現。更無前後。如牛二角。三兩相俱亡者。兩卽前二俱捨

也。四自在無礙者。欲一卽一。不壞相故。欲多卽多。一卽多故。一旣如此。多亦準之。常一常多。常卽不卽。故云自在。五去來不動者。一入多而一在。多入一而多存。若兩鏡相入。而不動本相。相卽亦然。六無力相持者。因一有多。多無力而持一。因多有一。一無力而持多。七彼此無知者。二互相依。皆無體用。故不相知。故覺首云。諸法無作用。亦無有體性。是故彼一切。各各不相知。八力用交徹者。卽前一中解無量。無量中解一。九自性無有者。互爲因起。舉體性空。十究竟離言者。不可言一。不可言非一。

撰述
華嚴疏鈔卷二
不可言亦一亦非一。不可言非一非非一。不可言
相卽以相入故。不可言相入。以相卽故。不可言卽
入。不壞相故。不可言不卽不入。互交徹故。口欲辯
而辭喪。心將緣而慮亡。唯證方知。同果海故。一多
旣爾。染淨等法。無不皆然。

衆生及國土。一切皆寂滅。無依無分別。能入佛菩提。
疏次偈入佛菩提。依正皆寂。故無所依。智契於斯。
故無分別。

衆生及國土。一異不可得。如是善觀察。各知佛法義。
疏後偈知法義。上明生土皆寂。不可言異。依正兩
殊。不可云一。

爾時光明過百萬世界。徧照東方一億世界。南西北
方。四維上下。亦復如是。彼一一世界中。皆有百億閻
浮提。乃至百億色究竟天。其中所有。悉皆明現。彼一
一閻浮提中。各見如來坐蓮華藏師子之座。十佛刹
微塵數菩薩。所共圍繞。悉以佛神力故。十方各有一
大菩薩。一一各與十佛刹微塵數諸菩薩俱。來詣佛
所。其大菩薩。謂文殊師利等。所從來國。謂金色世界
等。本所事佛。謂不動智如來等。

疏第八重光照一億界。前云百萬。今十倍於前。卽

千萬爲億也。

爾時一切處文殊師利菩薩各於佛所同時發聲說此頌言。

疏十偈歎佛權實雙行方便幹能然方便之言畧有三意一以因中十種加行方便之力修成佛果自在之德二但是差別之用皆名方便其無礙慧無若干故三卽實之權起用自在故名方便今文具三皆三句辯相一句結名鈔今文具三者具上三方便也然其十偈皆具此三取其相顯八九兩偈但有第二故下疏云上之二偈但了差別卽

是方便餘之八偈皆是卽實之權約其因修總是加行方便之力如第四偈善巧通達一切法差別用也正念勤修涅槃道加行方便也上二皆權繫於解脫離不平卽是稱實對上故爲卽實之權也餘可意得。

智慧無等法無邊超諸有海到彼岸壽量光明悉無比此功德者方便力。

疏初偈卽體超用爲方便然有六義一智超下位二證法無邊二解脫有海四具上三義到涅槃岸五壽兼真應六身光無涯皆佛功德。

撰述
玉巖疏鈔卷一
所有佛法皆明了。常觀三世無厭倦。雖緣境界不分別。此難思者方便力。

疏二歎寂照方便。初句橫照。次句豎窮。次句卽寂照而無思。故難思也。

樂觀衆生無生想。普見諸趣無趣想。恒住禪寂不繫心。此無礙慧方便力。

疏三歎佛事理無礙方便。初二句有無無碍。次二句定散無礙。鈔初二句者。無卽是理。有卽是事。次句定散無碍者。恒住禪寂。定也。由契心性。理也。禪不繫心。不礙散也。卽涉事也。

善巧通達一切法。正念勤修涅槃道。樂於解脫離不平。此寂滅人方便力。

疏四歎佛修無修方便。初句善窮性相。次句無念勤修。樂於解脫。釋修涅槃。離不平者。釋前正念。以不見生死爲雜染。涅槃爲清淨。此二無差。爲真寂滅。

有能勸向佛菩提。趣入法界一切智。善化衆生入於諦。此住佛心方便力。

疏五歎迴向方便。初二句趣入法界。是迴向實際。餘皆迴向菩提。次句迴向衆生。住如化物。故爲方

便。鈔初二句者。二句之中。唯取四字。是向實際。初句及一切智。皆迴向菩提。

佛所說法皆隨入。廣大智慧無所礙。一切處行悉已臻。此自在修方便力。

疏六證知方便。初句隨順證入。次句知而無障。次句知徧趣行。卽利生法。卽知卽證。爲自在修也。

恒住涅槃如虛空。隨心化現靡不周。此依無相而爲相。到難到者方便力。

疏七寂用方便。初句寂。次句用。次句寂用無礙。爲無住涅槃。凡小難到。

晝夜日月及年劫。世界始終成壞相。如是憶念悉了知。此時數智方便力。

疏八時數方便可知。

一切衆生有生滅。色與非色想非想。所有名字悉了知。此任難思方便力。

疏九難思方便。初句了生滅。剎那一期。皆悉了知。次十一字了相。卽衆生體。不出三界九地。下二界是色無色界非色。二界八地。皆名爲想。無想天爲非想。有頂非想非非想。悉了知者。能了兼了其性。卽是無生。此是無邊之境。故難思也。上二偈但了

差別卽是方便。鈔二界八地者。以欲色二界有五地皆全有想。其無想天。在第四禪不攝。一地全故。八地有想。其有頂天。是第九地。不屬於想。及與無想。故令無色一界四地。不全屬有無。故云二界其無色界下之三地。由是有想。故舉八地。而以攝之。

過去現在未來世。所有言說皆能了。而知三世悉平等。此無比解方便力。

疏十無比方便。初二句知相。上句豎窮。下句橫攝。次句知性。此二不二。故無比卽爲方便也。

爾時光明過一億世界。徧照東方十億世界。南西北方。四維上下。亦復如是。彼一一世界中。皆有百億閻浮提。乃至百億色究竟天。其中所有悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱。來詣佛所。其大菩薩。謂文殊師利等。所從來國。謂金色世界等。本所事佛。謂不動智如來等。

疏第九重照十億界。歎大悲救生德。

爾時一切處。文殊師利菩薩。各於佛所。同時發聲。說

此頌言。

廣大苦行皆修習。日夜精勤無厭怠。已度難度師子吼。普化衆生是其行。

疏十偈多以第四句爲結。於中分三。初偈總標行海已圓。而能普化。次八別顯化類不同。後一總結悲智周徧。初中初句無餘修。廣謂徧受。大謂極苦。次句長時無間。次句功行已圓。極惡難度已能度。故云何能度。謂師子吼。師子吼者。各決定說。定說一切衆生皆有佛性。度一闡提。定說無我。度諸外道。定說欲苦不淨。以度波旬。定說如來常樂。我

淨。度諸聞聲。定說大悲。以度緣覺。定說如來無碍。大智以度菩薩。故云普化衆生。鈔初句無餘修者。此有四修。一無餘修。以皆修故。次句有二修。一長時修。二無間修。日夜不息。卽是長時。精勤無怠。故無有間。難度能度。勇猛修也。此偈是總示度相。謂師子吼者。各決定說。卽涅槃。二十七師子吼品。下說法度。類畧有六。亦攝下偈。文有四節。初偈卽說佛性。度一闡提。闡提佛性。無明所覆。迷真起妄。如墮大河。二有一偈。無我化外。三有六偈。皆說欲苦。度於波旬。波旬爲王。諸類皆攝。故四有一偈。濟

度三乘聲聞法執。不了性空。緣覺無悲。不隨六道。故悲智雙流。普教羣生。卽化菩薩。

衆生流轉。憂欲海。無明網。覆大憂迫。至仁勇猛。悉斷除。誓亦當然。是其行。

疏次八別中。云何普化。初化癡愛衆生。前半所救。如人墮海。五事難出。一水深。二波迅。三迷暗。四蟲執。五憂迫。失力。衆生欲海。流轉亦爾。此中憂有二義。一已得無厭深廣如海。二於未得處無足如流。癡亦二義。一迷不見過。二妄見有德。結網自纏。五由前癡愛。招大憂苦。次句舉古佛已行。忘身爲物。

故曰至仁。後句立誓當作。鈔五事難出。一水深。卽愛欲海。二卽流轉。三卽無明。四卽網覆。義兼蟲執。羅不得出。五卽大憂迫。次衆生下。約法釋五。而四釋蟲執云。妄見有德。結網自纏。

世間放逸著五欲。不實分別受衆苦。奉行佛教常攝心。誓度於斯是其行。

疏二度著欲衆生。上半所救。放逸者。著欲緣也。著五欲。欲事也。不實分別。欲因也。受衆苦。欲果也。未得已失。皆受大苦。正得亦苦。橫生樂想。况當受三塗。故云衆苦。次句受教自修。後句立誓轉化。

衆生著我入生死。求其邊際不可得。普事如來獲妙法。爲彼宣說是其行。

疏三救著我衆生。前半所救。著我爲因。受生死果。未證無我。浩無邊際。次句救方。說二無我。唯佛有之。

衆生無怙病所纏。常淪惡趣。起三毒。大火猛焰恒燒熱。淨心度彼是其行。

疏四救惡趣衆生。三句所救。謂無善可恃。顯唯惡業。及惑病因。招三惡趣。展轉復起三毒之過。因果俱燒。未句救方。但淨其心。因亡果喪。

衆生迷惑失正道。常行邪徑入暗宅。爲彼大然正法燈。永作照明是其行。

疏五救邪見衆生。前半所救。上句明因。迷四真諦。惑現境故。次句起見。邪見翳理。卽爲暗宅。後半能救之方。

衆生漂溺諸有海。憂難無涯不可處。爲彼興造大法船。皆令得度是其行。

疏六救著有衆生。前半所救。三有深廣。總喻於海。漂至人天。還溺惡趣。未遇如來。多成難處。希求不已。故名爲憂。未有對治。故無涯畔。具上諸失。故不

可處後半能救可知。

衆生無知不見本。迷惑癡狂險難中。佛哀愍彼建法橋。正念令昇是其行。

疏七救無明衆生。前半所救。由本住無明。故不見無住之本。迷理惑事。狂走於生死之中。後半能救。佛既授法。正念卽升也。

見諸衆生在險道。老病死苦常逼迫。修諸方便無限量。誓當悉度是其行。

疏八救險道衆生。前半所救。人天報危。臨墮惡趣。名爲險道。能救可知。

聞法信解無疑惑。了性空寂不驚怖。隨形六道徧十方。普教羣迷是其行。

疏後一偈總結者。前半結有教證之智。能導無緣之悲。次句結有同體之悲。能徧十方六道。後句結於所救。不越羣迷。

爾時光明過十億世界。徧照東方百億世界。千億世界。百千億世界。那由他億世界。百那由他億世界。千那由他億世界。百千那由他億世界。如是無數無量無邊無等。不可數。不可稱。不可思。不可量。不可說。盡法界。虛空界。所有世界。南西北方。四維上下。亦復如

是彼一一世界中。皆有百億閻浮提。乃至百億色究竟天。

疏第十重光照十方。總結無盡。長行分二。先明世界數量。畧有十七。漸窮法界。

其中所有。悉皆明現。彼一一閻浮提中。悉見如來坐蓮華藏師子之座。十佛刹微塵數菩薩所共圍繞。悉以佛神力故。十方各有一大菩薩。一一各與十佛刹微塵數諸菩薩俱來詣佛所。其大菩薩。謂文殊師利等。所從來國。謂金色世界等。本所事佛。謂不動智如來等。

疏後明彼諸世界。所有皆現。

爾時一切處。文殊師利菩薩。各於佛所。同時發聲說此頌言。

一念普觀無量劫。無去無來亦無住。如是了知三世事。超諸方便成十力。

疏十頌明因果徧德。於中分二。前四示佛因果徧說。後六勸物順行。今初初一偈。因圓果滿。彰有說因。初三句三達。因圓。後句十力果滿。鈔初三句者。三達即達三世。於中初句了相。無量劫言。通過及未。次句了性。過去心不可得。故云無去。未

來心不可得。故云無來。現在心不可得。故云無住。淨名云。若過去。過去心已滅。若未來。未來心未至。若現在。現在心無住。現在是住。亦生卽滅。故云無住。第三句結知。佛如是知。云何如是。非唯知無去等。亦知其相。又性相無礙。又一念能知。爲如是了。十方無比善名稱。永離諸難常歡喜。普詣一切國土中。廣爲宣揚如是法。

疏次一偈大用外彰。正明說法。周徧可知。爲利衆生。供養佛。如其意。獲相似果。於一切法。悉順知。徧十方中。現神力。

從初供養。意柔忍。入深禪定。觀法性。普勸衆生。發道心。以此速成。無上果。

疏後二對因辨果。初一偈徧因。初句爲因。三句皆果。法供養佛。故於法順知。普爲衆生。故能徧用。斯卽等流。名相似果。晉經云。正心供養。明是法供養也。後一偈深因。故能速證。初二句六度自利。謂供佛是檀。意柔兼戒。從初至末。是進策也。次句利他。兼方便等。二行旣圓。則佛果朝夕。故云速成。鈔願衆生無邊誓願度。佛道無上誓願成。故卽修習。

力爲智決斷。佛果朝夕者。此有二意。一明果速。匪朝卽夕。故一念相應。功圓曠劫。此爲正意。結云速成。二朝夕是海。文選云。挹朝夕之池者。無以測其淺深。謂此是佛果大海。以深廣故。與此相應。亦得速成。

十方求法情無異。爲修功德。令滿足。有無二相悉滅除。此人於佛爲眞見。

疏後六偈勸物順行。佛昔如是行。今得說法果。令物行之。亦得斯果。初一偈求法行。二說法行。三聽法行。四有三偈破相行。今初初句離過勝他名。

利名爲異情。次二句顯德。一句滿福。一句圓智。又無異者。於一切法都無所求。若此之求。見眞法身。鈔於一切者。卽淨名經。身子念座。因有此示。

普任十方諸國土。廣說妙法興義利。任於實際不動搖。此人功德同於佛。

疏二說法行。前半說法益物。義利者。令衆生得離惡攝善故。此世他世益故。世出世益故。福德智慧益故。上四對皆先義後利。後半若無說無示。同佛說也。鈔上四對者。卽佛地論。若無說下。亦淨名目連章。經云。夫說法者。無說無示。其聽法者。無聞

無得說約教道。示約證道。無聞則不如言取。故爲
眞聞無得則心無所得。方眞證得。無聞無得。卽後
偈聽法行中。今此說法。但無說示。亦同寶積歎佛
偈云。善能分別諸法相。於第一義而不動。故言同
佛。

如來所轉妙法輪。一切皆是菩提分。若能聞已悟法
性。如是之人常見佛。

疏三聽法行。兼顯法輪之體。初句教法。次句卽教
成行。無有一文一法。非菩提因。豈止三十七品。次
句悟理。揀去隨文。後句理無廢興。故常見佛果也。

鈔次句悟理者。不隨文故無聞。悟理故無得。

不見十力空如幻。雖見非見如盲覩。分別取相不見
佛。畢竟離著乃能見。

衆生隨業種種別。十方內外難盡見。佛身無礙徧十
方。不可盡見亦如是。
譬如空中無量刹。無來無去徧十方。生成滅壞無所
依。佛徧虛空亦如是。

疏後三破相行。初一正明。後二轉釋。今初初三句
反顯。金容煥目而非形。安可以相取。後句正顯。法
性超乎視聽。唯可虛已而求。後二轉釋云。何不見

撰述
聖廟疏鈔卷二
前偈以妄喻真。衆生妄惑尚不可窮。諸佛契真。如
何見盡。後偈復轉釋云。雖徧十方不可定取。如利
徧空有其四義。一。多利滿空。二。體無來去。三。不妨
成壞。四。無別所依。佛身徧空亦具四義。一。頓徧多
利。二。恒不去來。三。應有出沒。四。體用無依。是故佛
身亦不可以徧空而取耳。上來三品。答初十句所
依果問竟。

信士吳協捐資陸兩陸錢伍分刻此一卷薦

父大受極樂安養。祈母沈氏福壽綿長。

大方廣佛華嚴經疏鈔卷十三之二

終



